

邃
懷
堂
全
集

序

忠孝之心不死乃有倫常英雄之氣如生自爲聲響
其人其事可泣可歌固宜三品尊嚴寫以鏤金之管
一篇鄭重榮於華袞之衣惟肝腦所塗棲魄而江山
亦壯鬚眉欲活繪眞而筆墨皆仙如我穀廉年丈哀
忠之作先得我心徧傳人口感舊深於向秀嘆逝盡
於陸機無慙鐵漢之呼曷禁銅仙之泣鏤香名於玉
版喚回杜宇之魂灑墨汁於金壺瀝盡萇宏之血鬱
憤火而肝腸並熱發穿雲裂石之英詞颺情塵而心

骨彌涼吐嚼雪餐冰之苦語信乎一唱三歎清廟之
瑟有遺音十光九芒阿房之鏡無匿影矣蓋自紅羊
劫起青犢羣奔嶺嶠鴟張江湖豕突義軍並奮地中
之鼓角爭鳴飛將何來天上之旌旗直下不謂豹皮
語壯猿臂數奇四方僉時雨之師五丈聽大星之墜
景鐘待勒方登百戰之勛素旄先翻遽沮三軍之氣
馬革裹尸之日望斷刀頭虎牙雪涕之辰神歸箕尾
此可哀者一也有如范滂攬轡志在澄清越石登陴
歌尤慷慨豕蛇薦食空拳猶與堅持鼠雀充糧枵腹

安能苦戰賀蘭擁甲道近誰援倉葛呼庚城孤屢陷
非弭悲於鳩毒卽繫命於雉經甚而舌斷常山不絕
含胡之罵鬚銜溫序自完苦節之貞此可哀者二也
至於拔戟先登奪稍後拒索鬪之雞正怒負瘡之馬
旋奔虛持半段之槍折纛而虹霓光死已盡兩鞞之
矢曳弦而霹靂聲瘖白刃搥胷壯士之酣歌忽斷赤
丸洞腋佛郎之飛燄無情此可哀者三也若乃散魯
肅之家財聚耿純之宗姓黃驄年少子弟成軍白馬
義從公孫養士幸異軍之突起社保粉榆詎同井之

皆殲里生荆棘縱橫十盪操矛竟失陳安出入重圍
懷策更無辛讜此可哀者四也又如王粲登樓郗超
入幕阮長瑜之書記郝佐治之叅軍祗求升斗之波
藉蘇轍鮒誰料城門之火遂及池魚肝膽相酬結纓
而從季路頭顱可舍伏劍以報田橫此可哀者五也
更有絮袍犒士錦繖巡軍卻兵未采蟾蜍列陣已殘
鷺鶴從容酌酒自吞釵釧之金倉猝登樓同掛鞦韆
之索魄沈金井清名足儷銀瓶血染羅衣遺恨不留
錦襪狂飛紅雨并凋侍女之花亂撲黑霜偏殺宜男

之草此可哀者六也他若白門縛去黑索牽來姑緩
須臾尙多委曲生還莫望恥爲于禁之囚正氣無傷
終盡文山之節姜伯約膽原如斗難圖反正之功顏
平原爪已成圍未有迎喪之路密信則蠟丸終阻孤
誠孰諒丹青謗詞則蠅點羣猜虛耗妄傳黑白此可
哀者七也然而戈鋌曉白烽燧宵紅水犀出而波腥
官馬馳而土裂通都大邑並少人烟尺籍伍符半爲
鬼籙如貔如虎何期四戰之無功爲鶴爲猿豈分一
軍之盡化遂至蒼頭不免黃口皆傷以此言哀哀何

可量斯集也習聞習見皆耳目之所經傳信傳疑曾
齒牙之不惜掬兩行之老淚流向章江振百世之榮
名重於泰岱汗青焜耀姓名登玉藻之篇潑墨淋漓
情誼證金蘭之譜竊比禮臣議謚特嚴一字之褒從
知詩史成編自定千秋之局矣予以負乘懷譏嬰城
召變室家並燼筆硯皆焚非徒奉倩神傷亦已文通
才盡口銜石闕自蓄悲音目刮金錐忽驚壯彩楚騷
可續弔國殤而特與招魂虞殤同歌愴家難而更思
尋約三陣致神鴉之助五兵祛鬼蜮之蹤珠斗回寅

太白之芒已沒銀河洗甲大黃之射將毀靖百六之
偏災櫬槍立掃膺

九重之

寵命俎豆常新雖去果來因總穹窿之莫問而私讎
公憤庶磊砢之能消想引盃看劍而吟宵次早羅星
斗試翦燭焚香而讀舌端定起風雷

丁巳正月江陰何栻廉昉甫序

序

九原可作懷舊雨今雨之人千里徒傷歌大招小招
之些壯山河之氣克荷綱常報

君父之恩願捐頂踵執干戈以衛社稷童欲勿殤聽
鼓聲而死封疆鬼猶殺賊事皆共見而共聞心遂如
惔而如擣也溯自氛起粵西禍延兩楚寇深皖北毒
遍三江初效狐鳴篝火之謀繼成蟻穴潰隄之勢其
間殉節諸臣或結纓正命裹革還尸星墮旄頭聲嘶
櫪馬魂騎箕尾淚洒沙蟲剖金藏之赤心任屠百口

化萇宏之碧血何待三年此則深明大義視死如歸者也或白門就縛丹穴熏求吞腦子而如常懸絲繩而未絕不餐蹠粟腸枯薇蕨於首陽旋脫鍾囚身葬波濤於彭蠡長亭驛壁誰黏生祭之文故里閨人猶作還鄉之夢此則就義從容同歸授命者也或鬪生毀家而紓難耿純率族以從戎犒軍輸少妾之財募士建勤王之幟遂致鬼瞰高明摸金則鈔延瓜蔓盜憎守望縱火則殃及池魚項籍之子弟皆亡余闕之妻孥並殉側身無地訛言白雁之來大數由天莫避

紅羊之劫此又冤銜精衛魄化啼鵲斫脛而呼作好
男披髮而思見上帝以是言忠忠更慘矣惟是食毛
踐土二百年咸戴

皇仁浹髓淪肌億萬姓久霑

聖化小醜跳梁祇等蚍蜉撼樹荒陬伏莽無非烏鼠
同巢來頗牧於

禁中青兕之將才蔚起梟孫盧於江上黃虬之妖焰
全除矣予風鶴頻驚霜猿幾化庚郵迢遞邸報偶疎
甲帳遷移簡書或阻深恐傳聞之事誤難禁觸緒而

情悲柳子厚憑弔樂生奚辭遠道盧藏用追哀紀信
况在同時適值賦閒之日爰摛感逝之詞欵枕構思
剪燈塗稿一編忠孝敢云野史之搜羅列國歌謠姑
俟輜車之采錄

歲次柔兆執徐辜月遂懷堂居士自序

題詞

上海

王慶勳 叔彝

血洒孤臣傳星沉上將臺大名光日月正氣壯風雷
枯骨何人拾忠魂結隊來鄱陽千頃水終古有餘哀
健筆爭詩史應同杜老看各標真氣節留取此心肝
一死原無媿千秋自不難墨花騰耀徧都是淚痕酸

都昌

袁嗣彥 鳳三

大節真無愧詞壇費苦吟半升豪士淚千載盡臣心
報國肝如鐵傳神字擲金焚香低首誦風雨夜燈侵

一字榮華袞千秋重死生好憑詩史句慘寫國殤情
烟雨河邊骨雷霆筆底聲貢章合流水都作不平鳴

華亭

吳情華 小蓉

開卷低徊彥伯奇才採他事跡苦心裁如此表揚如
此筆應慰泉臺 龍劫流災白骨成堆忠魂毅魄實

堪哀畱待他年傳信史絕少疑猜 調寄浪淘沙

丹陽

吉正常 瀛帆

客自西江來遺我哀忠錄正氣塞乾坤忠魂萃詩牘
嚴于一字褒已定千秋局妖氛起粵西歷省多青犢

兩楚遭蹂躪三江遍流毒轉戰七八年頻折將軍纛

虜騎四面屯馬公中其伏

謂九江鎮總兵馬公濟美

緹女建義旗

思將父讐復

馬公女嫻武畧欲率家勇二百人殺賊報讐張中丞止之

塔公謀勇

全超擢至提督剿賊到潯陽壺漿拜車轂江面已肅

清九江指日感羅逆如就擒餘賊在掌握天心未厭

亂將星落江曲

謂湖南提督塔公齊布

周公鎮吉安四郡民蒙

福守陴三月餘城破遭荼酷

謂江西按察使周公玉衡

羅公經世

才帳中講理學臨危忽授命父老齊痛哭

謂湖北布政使羅公

南青天有文孫

劉太守祖諱清由方伯改官總兵蜀中百姓呼爲劉青天

丰標峙

嵩嶽剿賊到武甯二旬相犄角衆寡力不敵流血滿

戎箴忠孝萃一門太守尤卓犖

謂九江守劉公熾昌

賢哉兩令

尹難將百身贖判詞多駢體堂上可折獄

謂鄱陽令沈公衍慶

百里縞素迎台葬連家屬

謂樂平令李公仁元

校官著奇節足

以勵薄俗碧血濺章縫恨不剝賊肉

謂廣信教授雷公封

一死

扶名教浩氣雷黨塾結纓李校官耿節出苜蓿

謂吉安教

授李公傳心

義士自橫戈

謂黃柏塘二百義士

見賊不畏縮婦女自

懸梁恐被紅巾辱堅持以空拳轉戰以枵腹被害有

資僚仗義及童僕或仗劍而亡或自經溝瀆爲國捐

軀者無不堪恩沐

陣亡文武員弁不下數千均承襲世職

荼蔬未翦除

蕙苒生謗讞孰知忠義魂不腐異草木檐前雪花飛
詩史挑燈讀我生忠義鄉殺賊無金鏃載拜誦新詩
願將鼻脛續

吳縣

吳艾生引之

變徵聲高哭當歌章江頻歲事干戈寇興青犢真如
此劫遇紅羊欲柰何大筆淋漓詩史在故人零落戰
場多

集中如陳柳萃太守沈春喬大令吉兩山中丞皆都門舊友

傷心况復嗟予

季驥尾千秋附不磨

哀忠集初編

邃懷堂居士未定稿

署南康府知府候補知府薊圃茶公

名安滿洲人前江西候補道觀竹樓先生之子

光天未許井蛙尊從逆紛紛釜底魂定有祭文黏驛

壁幾將疑案覆冤盆

公與羅子卿大令同被奸民縛獻賊船久而得死以致傳聞異

議舟中憤嚼杲卿舌城上難歸先軫元後有從賊中歸者云賊已

戕公首懸南康府脫帽看詩題句在沿江何處奠椒

樽太守曾以脫帽看詩圖索題

署星子縣事候補知縣子卿羅公

名雲錦貴州人 舉人

乘機一死作波臣猶是寰閒乾淨身餐雪難降蘇屬
國懷沙終弔屈靈均君被賊拘繫甚嚴將載往南京
行至安慶江面乘閒投江死有
同繫武弁逃回 千秋青史應無玷九折丹心自不泯
省城述其事
惟有春來雙燕子玉京樓上獨傷神君繼室溧陽狄
氏賢淑工詩聞
變後屢次自經
家人覺救而免

九江鎮總兵 馬公

諱濟美山西 人

文臣不愛錢武臣不惜死武穆之言乃如是惟有將

軍好男子洪都城外江淘淘赤眉水陸來圍攻將軍

神砲飛金汁盧循樓艦燒東風

公燃砲擊一大桅粉碎火箭燒賊船數隻

吼哮一躍縮城戰犀革纏身避流箭李廣原不期生

還援臂真堪當八面平沙日昃烟霾昏虜騎四集如

蜂屯衝營不戒穿馬陷天之亡我誰能存伏波幸有

嚴敦姪賊壘三摩奪屍出紫荆山下立義旗娘子軍

來復何益

公女嫻武略欲率家勇二百人殺賊報讎張中丞止之

驍將先死王

鐵槍天狗四載猶騰芒

浙江處州營遊擊副將銜常公

諱

滿州人

葛陽城上狐狸啼西江橋下風悲淒都尉捲甲夜遁
歸獨留瘦馬馱殘旗開平將軍技神奇銅砲疊發連
珠機黃衣賊帥頭顱飛大雨淋漓火器濕羣賊四面
合圍急孤軍深入無援兵父子相抱同殉國血肉狼
籍松沙坡兩身鎗眼如蜂窠天不留命奈若何惟恐
將軍殺賊多

鄱陽縣知縣同知銜槐卿沈公

名衍慶安徽石埭人乙未進士

平生馬革志難移堂上先懸自輓詞

賊據九江君知必犯饒州作自

輓楹聯懸

恩浹民心因貸粟

鄱陽水災悉心撫卹民不流亡邑人繪芝陽卹

諸聽事堂

氣吞賊壘獨擎旗

賊圍省城君率練勇入援殺賊數十人賊分股擾鄱

陽君馳回守禦用

招魂猿鶴歸真夜出世風雷兆夢

計燒賊船數隻

孤負未成皇甫序他年遺愛補

時君生時大父夢中

孤負未成皇甫序他年遺愛補

聞風雷甲馬聲

樂平縣知縣資齋李公

名仁元河南

人

進士

章碑君堂上折獄用四六駢體判讞詞于牘尾編成二卷索爲弁言

衛玠丰神謝眺才卻從薇省改官來

君由內閣中書改授樂平知縣

沈君禦賊康山君奉府檄代理

一泓碧血全家殉

君

鄱陽率樂平練勇三百人助守

犯樂平一門被難十六人

百里白衣迎柩哀

家屬十六人合葬一邱顧曲風流人似玉吟詩慷慨

氣如雷魂歸應識公孫馬尙有虹光繞夜臺

君騎白馬磨戰

賊認馬合圍人馬俱斃

怡青女史殉節輓詞

女史劉氏常州人偕其夫國學生徐辰伯寓居鄱陽城中城陷之日辰伯爲賊擄去女史罵賊被害

常羨惠姬歸世叔那知道韞遇孫恩清風嶺上鄱湖
涖黃絹碑詞萬古存

節烈才華洵兩全前身王母侍書仙生還夫壻刊遺
稿徐淑秦嘉合一編

黃柏塘二百義士哀詞

黃柏塘在德興縣與弋陽縣西鄉交界

西風獵獵颭沙塵義士墳前石碣新曲突徒薪原上
計鼓刀屠狗有奇人遊魂血污燐猶淡古壘春回草
不春五百田橫徒尙在泉臺相遇說迴輪

賊至黃柏塘鄉民糾

衆捍禦有屠夫殺賊最多後羣賊大集焚掠慘酷被
殺二百餘人屠夫支解焉事平里老聚其骸骨合瘞
一塚標碣
曰義士

方家墩吳烈婦輓詞

方家墩在弋陽縣西鄉離城五十里吳烈婦
忘其夫姓

延陵烈婦吳婉婉事舅姑塘邊澣私和賊至豔其色
烈婦大呼躍入塘塘深滅頂沉中央賊蓄奸心蹲踞
俟微瀾不動知真死珠胎五月腹內成三日出水顏
如生烈婦一念堅金鐵稍緩須臾身決裂魂騎白鳳
歸瑤池貞孝姬姜仙子骨青陵之臺百尺高古今同

一閩中豪

吳春洲孝廉述其事

署上饒縣事信豐縣知縣香谷蔡公

名中和浙江山陰人

圍城青犢如蜂蟻城上礮聞五十里

廣豐登西山觀聞郡城礮聲

羅山早至公可生羅山遲至我亦死

五年三月二十三日賊陷郡城

二十四日分股來擾廣豐余適署是邑督兵勇在界牌亭堵禦賊聞羅廉訪大軍已抵郡城卽速折回

翁眞鬢鑠髯而頤談笑氣欲吞羆貔兵不滿千火藥

竭搯撐亦復逾三時繩梯百架巖城破血濺征衣草

閒臥前生應是顏常山嚼齒裂眚口猶罵瓦全玉碎

生死關轉機祇在須臾閒戰功未立目先瞑志士福
薄非天慳南屏慘慘歸丹旆後死他年誰自保夜雨
空悲舊雨心忠臣墳上生春草

廣信府學教授霽巖雷公

名封

義甯州人

鄭虔白首坐成均弟子絃歌數十人職分原知非守
土君親無愧在明倫君蟒服坐明倫堂罵賊被害詩
題齋壁凌虹氣血濺朝衫化鶴身盃酒將軍來醉奠

材官亦爲淚沾巾

指羅羅山廉訪

同作 有引

廣豐
徐謙 白舫

青史艱難惟一死黃泉嗚咽幾完人卓哉霽巖
先生忠孝傳家義烈繼美獨見危而致命僉殺
身以成仁可肅宮牆可馨俎豆可尊可拜可泣
可歌可激頑懦之風可壯河山之色七尺朽而
丹心不朽一坏乾而碧血難乾從茲信乘流芳
儒林增重矣寶劍射牛斗之墟未識雷煥寒窗
攔珊瑚之筆已老徐陵幸恕布鼓之狂聊代束
芻之獻霜華未已風葉悽其先生解脫紅塵道

遙紫府亦念否衆生火宅孤叟滄江耶嗚呼噓
虹正氣騰文山夫復奚憾驂鶴招魂近長沙詎
乏同情咸豐五年重九日

臣死忠子死孝家奴死義大名噪烈烈轟轟老廣
文萬鈞一死扶風教蒼黃賊破信州城殺人如草
不聞聲

明沈加則句

明倫堂上朝服坐羣賊睨公卻且

驚指罵區區教官耳畱汝殘喘速他徙公曰恨不
剝賊肉擊賊而死死切齒案下突出抱公號奴呼
是我六公子霎時併命橫四屍血飛漉漉怒颺起

公舉孝廉家密州司鐸南虔十九秋贛水移官來

葛水僕也童孫叨從游

三孫兆杏
忝列郡庠

掀髯樽酒花前

把每談忠孝交淚下冷曹冰雪不知寒熱血乾坤
何處灑孰料弦歌鄉遠作干櫓場信江白日慘無
光亂刃叢中公竟亡吁嗟乎如公方不負生平如
公方不輕死生浩氣噴薄驅風霆絳節金支朝玉
京俯舉靈山七十二峰青荒城欲暮下黃鶴回首
蒼茫悲恨并藏碧年年芳草馨芳草巍碑標姓名
雷公諱封子發鳴奴曰羅勝殉難俱更有錚錚門

斗張國書

貴溪縣縣丞直齋洪公

名立成山西人

甘棠分蔭在薊谿襄事南屏聽鼓鼙

袁雪舟郡伯雅重君才檄調來

郡辦理軍務

畱取心肝報君父敢辭血肉化塗泥清才久

羨超宗鳳壯志空聞越石雞縹緲雲車歸路速家山猶在故關西

上饒縣典史蔡軒江公

名鑑清浙江

人

封豕長蛇恨未殲拚將熱血試刀鋸威伸赤棒三年
久夢醒黃梁一枕甜守土原非爲尉責出城安有縱
囚嫌賊氛告警典史押獄囚寄禁鄰男兒南八誰相
勉義胆忠肝自兩兼

試用府經歷署廣信府照磨子謙姚公

名益謙安徽池州府人

昔交乃祖在章門君尙垂髻侍酒樽泉下相逢休洒
淚白頭翁喜有佳孫君祖小香明府任瑞金縣知縣

試用從九品鶴橋沈公

名岳齡浙江紹興府人

瘦沈嗟微秩同來飼餓豺杞梁迎有婦徐衍慘無骸
怙恃閭猶倚嬰倪祿在懷防秋梅嶺日信宿在蕭齋

義甯州吏目械樵王公

名秦州浙江紹興府人

簪毫昔侍杜征南蛋雨蠓烟透甲函

廣東嘆夷滋事君在奕將軍幕

府羽檄倉皇燈下看梅花消息嶺頭探

子宰大庾君爲典史時粵

匪竄入南雄州境軍務方急

聲名豈借牛心重韜畧方揮麈尾談

一踏黃龍山下路便教兵解證瞿曇

吉安府知府琴仙王公

名本梧浙江甯波府鄞縣人拔貢生

吉贛匪徒應粵逆盤踞泰和作巢窟狼奔疾扭吉州
城太守守城堅鐵石環濠賊火燒民廛城門岌岌池
魚煎一令登陴一守出持戟躍馬身當先轉戰直前
墮詭計兵被橫衝亂旗幟滿腔熱血洒平蕪化作九
霄白虹氣忠魂鶴背望廬陵猶喜嚴闔六扇閉惜哉
熊軾公來遲未得從容展經濟壞雲黑壓香城山公
死兩年事愈艱統兵將帥似秦越唇齒痛癢無相關

疆場授命勤王室艸野大書畱特筆咸豐歲次癸丑
年七月二十有六日

署吉水縣事樂平縣知縣竹虛章公

名裕善浙江嘉善人甲午舉人

水流吉字今非吉降旗城上何人立牽羊擔酒夾道
迎黃衣魑魅翩然入章侯蟒服臨堂皇自誓與城偕
存亡芙蓉膏吞一盃漿閉門羣賊來窺窻賊言官好
眞循良朱棺殞殮屍骸香釋縛公子歸故鄉嗟公五
斗微官耳就義從容竟如此無兵無餉守空城楚些

招魂詞一紙

公仰藥後題詞一闕示賊

公之精靈安且閒化鶴來

往東西山

吉水縣有東西二山綿亙數百里

德化縣典史裕堂洪公

公名漳字裕堂浙江會稽人任德化縣典史甲寅春二月某日賊陷九江公與力戰死之

櫓槍星墮地化作萬蛇虺天塹失漢黃潯陽險何恃
賊艘火礮蔽江來金城蕩蕩門開矣前顧誰藏頭後
顧誰畏尾大官欲走典史怒苦口牽裾不能止五千
人散一人留留者一人洪典史拔刀斫賊賊大驚爾
乃何人敢如此生前斷雙指死後失一履

得屍於江僅失一履

生前裂眦死後喜喜爲殺賊羅喉鬼呀嗟乎人獸關
爭一念中官職何足分卑崇公今浩氣橫長虹

後讀王窗

山司馬志隱齋詩鈔有洪典史歌所紀事迹與余傳聞相同

義甯州知州知府銜枚生葉公

名濟英直隸天津人

圍城銀鵲斷飛符地穴雷轟倒外郭怪鳥哀啼流血

淚妖異與金義民相誓殉頭顱義民二千餘人誓同生死三次開城接戰

殺賊近萬賊憤甚城無人肯作秦廷哭有客能藏趙

破之日婦孺皆屠
氏孤公一子試吏江蘇少子原是津門忠節齋靴刀

勿頸尙銜鬚

贛州府照磨雲伯湯公

名恩 鈞直隸天津人

崆峒山下陣雲涼 檀板金樽付渺茫 一別十年人事

改怕聽隣笛過山陽

余曾作懷人詩二十絕內云法曲當今孰擅場鳳簫象板夜飛

觴牡丹亭上三生夢傳出
風流玉茗堂卽指雲伯也

糝糊血染骨 峻嶒旅櫬無歸恨 不勝若箇招魂香 一

瓣空門猶有畫蘭僧

吉郡西郊天香古院清漪上人學畫蘭於雲伯

江西按察使司潤山周公

諱玉衡湖北荊門州人

舉人

兵符夜竊王宮內邯鄲十萬秦軍退北海一紙馳平

原千里援師劉備至廬陵古郡百雉城被圍二月無

救兵將軍雖老智兼勇力竭難與天心爭

潤山廉訪自州縣作

府道身經百戰故

民間有將軍之稱朝衣九拜自搯吭血書字字攄丹

誠公官新授廉訪使公身四郡安危寄軍門截指豈

無人坐視存亡真恨事時危將才須護惜竟棄長城

檀道濟雄疆一失斷咽喉嶺粵荆吳郵駟閉公今騎

箕謁紫清蒼生淚似黃河傾雲車風馬排空行天半

聞呼殺賊聲

吉安府知府柳坪陳公

名宗元江蘇吳縣人癸巳進士

南八斷指一座驚賀蘭不救睢陽城開門三戰已三捷矢窮糧絕無援兵佛郎機發地雷起東南一角崇墉傾太守巷戰鼓聲急賊氣昏昏面如墨公子突圍出復入揮刀救父死僵立忠孝感天天亦泣城中屍積高如山三日頭顱盡懸出

初疑公已出城家人四訪三日後見頭懸城上

有賣菜翁識之

吁嗟乎秣陵酌酒忠貞墳甯武關弔周將軍

父子同時殉國難乾坤正氣成完人青原山頂神旗
卓魂返吳門跨仙鶴

廬陵縣知縣推陞湖北興國州知州春野楊公

名曉昫山西人 進士

一炬燹忠骨三年誦惠人心甘投虎口氣欲拔鯨鱗

絕粒先吞腦登陴亦臥薪

公吞腦子兩日不死乃縱火自焚守城時與兵勇共

臥堞樓
草薪中

文山桑梓地無愧宰官身

候補知州陽公候補州判蔣公候補典史尹公

陽公名秉鏞蔣公名啓華尹公名元理皆在義甯州殉節籍貫俟查

丁仙不返山峻嶒黃虬毒霧昂首噴我軍久戍戍已
屯占遁未敢衝凶門孤城岌岌危朝昏千人共膽須
圖存鎮兵縮首龜趺蹲竹筒聲近思宵奔陽城諫議
眾所尊撫慰士卒挾纊溫秣陵子文具夙根少尉忠
義稱尹焞齟齬相誓殲盧孫賊礮雷震不悸魂城崩
一角天柱掀羣公巷戰如諸賁惜哉士信遲來援指
羅山三十七人骨燼燔梅岡兵到虎窟翻綠林之血
流潺湲報復豈足償哀冤彼乃蟲豸此鸞鷟罡風刮
過第一番功名嘆息徒橐鞬未幾羅方伯
收復州城

署德安縣事候補知縣豫川劉公

名希洛湖南人

舉人

蛟鱷成巢窟腥氛塞九江山程皆斷驛水次不通艤
城小真如斗村危徹吠虓使君任盤錯膽略自無雙
到省未及一月委署德安
人皆危之公慨然願往

軍旅乏長策書生懷異才青燈曾對榻白骨已成灰

癸丑四月君與余同
寓東湖濱眼光殿
袍笏槐柯幻笙鏡薤露催少卿

與公幹詩酒話泉臺
君因德安被陷帶罪効力赴瑞
州勦賊與李寶秋明府合營城

外方戰
同死

吉安府經歷霞巖林公

名蔚江蘇無錫人

兵餉齎來十萬縉入城卽作守城人

公委解餉至吉安周潤山廉訪

留共枕戈義士同垂涕齒劍參軍誓殺身

城中義勇以死自誓

公官吉安經難仗佛慈憐赤子豈知天醉縱黃巾

吉安

民殺賊最多城陷之日報恩忠孝難兼盡腸斷椿帷

白髮親公幼年八十間變後涕泣不食病臥兩月而歿

試用未入流翰臣孟公

名國觀江蘇武進人

墨經從軍日扁舟避難初
閨人方下紉慈母欲牽裾
駟路銀符阻圍城鐵桶如
君殉節吉安府城內劫灰何處檢寄
弟數行書

通守家聲舊

指尊甫春闈先生

郎君玉樹多棄觚同介子奪

稍識摩訶共羨荆花茂旋聞薤露歌
鬼雄能殺賊地下劍猶磨

浮梁縣知縣卓軒謝公

名芳潤河南祥符人辛丑進士

昌江烽火賊來初惡少探丸未剪除
讒構文淵齋蕙

苒謗騰子產鑄刑書一軍組練兵皆潰三字風波獄
是虛縛官獻印者十八人後捕獲十人訊供皆都昌人內有一犯係湖北人無浮梁百姓在內知公未嘗取怨他日爲公謀俎豆禮臣持議莫躊躇于民也

瑞昌縣知縣萍野周公

名 湖南人 進士

公初御事賊未動父老顙留督鄉勇潯陽賊艦忽飛
來公禦仙鄉氣益涌身先士卒搥大旗咄爾么磨如
蠅蠊窮官囊粟無餘金惟有男兒好頭項征袍裂幅
自裹瘡一斗熱血澆沙場精靈馭氣劃然嘯化爲朱

鳥朝天闈三年鞅掌從王事可去仍留因大義謝翱
老淚亦無多擊碎釣臺鐵如意

署高安縣事上高縣知縣岑年胡公

名光輔浙江湖州府人壬辰舉人

章服輝煌肘懷印紅巾賊已闖衙進一帆賊艦過章

門親見船唇君受刃

城陷瑞州縛公下船行過章江門在船頭被害蟒袍猶在身守

陳軍士皆望見

春關我昔遊京師公卿籍籍稱君詩同官江

右論詩派初白樊榭相肩隨詩人孝養北山詠東望

吳興淚猶迸斷頭不作降將軍何況錚錚強項令挑

燈重讀君篇章字裏行閒生紫芒玉女山鬼侍兩旁

魂招來兮披霓裳

君殉節顛末與黃少鐵司馬哀忠詠傳聞異辭

原任九江府知府夢藜劉公

名熾昌貴州人廩生

憶昔齊魯閒逆旅識荆始明發各登車未暇詢年齒

五載春明門往來亦密邇青天有蘭孫

公祖諱清由方伯改官總

兵蜀中百姓呼爲劉青天

丰標嵩嶽峙我先走江右手版學趨跪

公後守九江風塵不余鄙握手話前因直哉史鱗矢

命宮厄磨蝎幾致三已仕武甯界通山四郊多壁壘

委公勦蝨賊二旬相角倚眾寡本不敵士氣遂隕靡
峩峩兇螫將陷陣已先死揮戈公獨戰傷重臥難起
血肉既糜爛那復認衣履地下見先人貽厥驚且喜
累奕忠孝家無愧紆青紫事蹟在芻蕘敢告太史氏

明經輔臣耿公

名光宣

悔從戎幕究登壇欲脫危機少羽翰造物忌才慳子
福書生殺賊未銓官千金駿骨燕臺重萬里蠶叢蜀
道難

君四川人某
科京兆副榜

望斷慈幃遊子信忠魂歸去定驂

鸞

署新城縣知縣知州銜華臣諸葛公

名槐浙江蘭溪人拔貢生

雲愁霧慘荷山嶺茅經無人哭管井汨羅未許伴三
閻長餓首陽薇蕨冷苔荒石蝨陰沉沉絕粒誰聽聲
呻吟仙艾不炙玉京子那騎龍背排青冥貞臣貞妾
心同餓失節事大餓死小位置忠烈文苑閒他年我
欲題碑表

事急君卽投井井澗
深數丈餘餓死井中

新城極高司巡檢子翔吳公

名毓濬浙江杭州府人生員

赤棒空持手紅巾盡裹頭微官輕一命大義重千秋
簫嶺雲容慘黎灣草色愁西湖歸毅魄應向岳墳遊

藍翎馬兵署新城縣城守把總元龍李公

名建昌府南城縣人

健兒身手百夫雄一卷兵書識教忠曾踏雁門關外
路邊城何處挽雕弓

從軍子弟散如塵君獨羞存七尺身血性偏鍾莽男
子材官不是受恩人

坐補金谿縣典史署新城縣典史又新王公

名鼎文浙江紹興府人

落日難揮壯士戈桐棺誰復誌前和魂歸吁上猶垂
淚思子臺前不忍過

君有二子皆年未
成童爲賊擄去

南豐縣羅坊司巡檢調署建昌府經歷富圻呂

公

名煜江蘇陽湖人

鳥散紛紛七校營倉皇執挺守孤城爲君重唱江南
曲都作伊涼變徵聲

參軍鮑照擅詞華慷慨思乘博望槎披髮便騎踪背
去零魂斷不化蟲沙

原任福建沙縣典史子朗李公

名廷耀江西南城人丁憂在籍

由來死事不分疆同是葵心向日陽華表千年正邱
首勝人白骨棄他鄉

福建閩安營副將瑰堂陳公

名上國浙江人

影纓鳴劍統閩師六月戎衣汗浹時鶴化一軍關氣

數竄藏三窟誤機宜

賊慣三面兜圍公轉戰直前忘其後襲以致失機

積勞

未繪麟臺像入險先還馬革屍丹旒題銜哀部曲七星澗畔艸離離

署宜春縣知縣寶秋李公

名銀陝西

人丁酉舉人

魚門獸角被長圍錦水流腥黯夕暉百里盡成蛇虺穴一軍獨犯虎狼威

公與劉豫川明府督勇數百人力戰爲賊所害

何人微

服踰垣避有僕荒郊復矢歸

以矢招魂曰復矢

不死袁山死

筠郡殉忠前定數難違

候補府經歷署新城縣縣丞輝閣馬公

名長歲浙江紹興府人

竟復邾婁矢空吹周勃簫哦松三逕立艸檄一燈挑
肉願豺牙嚼魂曠馬潼澆會稽山下路應有讀書寮

原任湖南平江縣知縣卽選同知秀山林公

名源忠四川人

鶴鶴未見陣雲屯擾攘提戈日已昏但報盧循湯續
命空憐宋玉賦招魂夢回珂里青神遠醉臥沙場白
骨存不是謫官偏作將江州司馬漫同論

候補府經歷署南城縣縣丞子貞黃公

名邦治江蘇武進人

桂蒲來往徽饒路甲帳頻年戍守勞人惜吏才堪牧
令天留劫數厄英豪從軍詎有三刀夢遺愛應同萬
石裏杯酒生平歡未接輿評傳遍汝江臯

候補從九品慎伯陶公

名燮浙江紹興府人

投袂臨戎日飛符促戰時四山鷓泣血一劍豹留皮
骨向黃沙拾名從青史垂公坪墟寂寞霜折白楊枝

君在撫郡公
坪墟陣亡

武甯都司海公効力把總宋公武舉吳公

武甯都司海通効力把總宋光玉武舉吳金
鰲在武甯縣王家祠前隨劉夢蔡太守同日
戰死兵勇死者二百餘人

誰啓北門鑰火毬飛滿天已焚都護帳難覓孝廉船
月黑來山鬼風酸泣杜鵑衣冠應有墓王氏祖祠前

福建候補通判 呂公

名文价在陳瑰堂協鎮營中襄辦軍務丙辰
十月二十五日陣亡

千里馳驅驥足勞海沂別駕佐戎韜殘兵猶向沙場

檢落鳳坡前舊戰袍

福建

巡檢

丁公

名開第在陳瑰堂協鎮營中襄辦軍務丙辰十月二十五日陣亡

敗陣何須馬首瞻桓公幕下失郗髯聰明尉少封侯
骨地府修文十萬籤

茂才小仙郭公

名守謙廣信府上饒人

江上曾傾餞別杯刀環手按叱風雷裾牽慈母心原
痛楫擊中流首不回覓句朗吟旂角下裹屍僵伏陣

雲堆君率勇三百獨當一面屢挫賊鋒賊設伏誘戰以致失機義勇同死者二百餘人青燐
燿燿光如電厲鬼終當殺賊來

孝烈何母薛恭人殉節輓詞

孝烈薛氏江陰人建昌府何廉舫郡伯之婦

尹姑家聲遠班鍾閩範良芝華初毓秀蘭夢早鍾祥
鳳目神姿麗犀心慧業藏書工新婦帖詩疊女兒箱

椒頌傳江左蘿姻締渭陽恭人卽廉訪郡伯姑母何太恭人所生柔嘉

和姊姒婉婉奉翁嫜夫子官曹部慈親勗義方察廉
膺四考課最擅三長虎節新鐫篆鸞奩共辦裝燕山

離輦轂呀水駐帷裳迎養思稱罍

太恭人未迎養

承歡望弄

璋

恭人生女子子四人

誰知幻泡影忽變小滄桑曲突終遺火

堅冰昧履霜訛言來白雁刦運遇紅羊犒士金鑲鬻

巡城錦繖張飛函先嚙血

恭人飛書郡伯促其督兵回郡收復城池兼以大義

勉之禱佛屢焚香

恭人焚香禱佛求保護闔郡生靈士民皆感泣

魂魄纔騎鶴

門庭已進狼印教懷裏匿

恭人令家人谷士元先懷印出避

珠痛掌

中亡

三女隨母同殉

志挾風雷氣名齊日月光宣文應合傳

道韞並流芳巢卵原同覆池魚遂及殃

猶子彥猗幕客二陳皆死

於難

天生此巾櫛人盡愧沙場證果飯獅座旌褒錫

鳳章一編江上錄梓里弔貞姜

江上孤忠錄紀江陰縣國初時抗節事

江陰縣監生湘人何君

名彥琦

並頭花發謝庭蘭英物先從卯角看

君尊公性喜蘭花庭中栽植百

餘盎壬辰春忽產素心並頭花是夏卽生君名之曰心蘭丙辰七月何廉舫郡伯寓中盆蘭忽放一花七出二心歧舌而君與伊叔母薛恭人等殉難之兆見矣詩卷長留真氣節孝忠

出自好心肝玉樓作記須才子金粟前身是宰官鶴背遊魂歸去夜君山風雨不勝寒

江陰縣監生吉甫陳君海甯州廩膳生祇六陳

君

吉甫名濟之祇六名德亮

翩翩書記本依劉萬竈儲胥借箸籌黃鶴一聲驚四
座罡風吹到仲宣樓

蓮幙倉皇避甲兵任安不去有餘情歲寒松柏青如
故名節何慙魯兩生

廣東候補知府定之陽公

名莖江西新城縣人在籍帶勇殉節

犬羊之眾殘我父母邦誓不與賊共戴日月光
解峙

菱團勇兮桑梓護持謀人軍師兮敗則死之

二解公之

服官在五羊城望白雲親舍兮烏哺陳情

三解公之殉

節在九龍潭近先人邱隴兮咫尺青山

四解血書十字

爲楊待制兮滄滄止水爲江萬里兮

五解軍旅旣受任

兮妻孥自輕嶺南與江右兮同一櫻城魂歸來兮哀

田橫

六解

上高縣知縣心芝傅公

名自銘浙江甯波府人丙辰舉人

古稱斷臂王凝婦公豈不如女子賢

大軍收復上高公卽回任闕逆

匪復至乃紮營城外三十里堵禦適遇某紳募勇數百人前來助守公遂邀令向前進勦勇皆鄉氓未經訓練且有瑞營逃勇混雜其中半路潰逃某紳亦躍馬遁去公危坐轎中爲賊斫斷一臂須臾隕命幕友吳小蓉上孤掌空持蘇武節債轅難著祖生鞭鄉兵舍述其事烏合翻成賊毅魄鸞遊已證仙南楚分襟將七載爲歌虞殯一淒然

候補從九品嗣傑袁君

嗣傑字毅夫南康府都昌縣人父名英字俊民前署南城縣學教諭余己亥科分校所得士丙辰冬俊民來信陽爲余述其事

南康城中鶴鶴嘯左里湖邊烽火照山寨誰團子弟

兵義膽忠肝有袁豹

賊據南康都昌爲出沒之區俊民家居時同長子孝廉嗣彥次

子少尉嗣傑

首倡團練 奸民叛逆迎賊來故家巨室搜貲財鄉

兵奮勇十餘戰松門高築骷髏臺舉旗折馘獻大帥

都昌保障功之魁頻番羽檄奉徵調潯陽湖口馳風

桅一旅官兵江未渡賊黨銜君來掩捕縛虎容易放

虎難剖出丹心心尙怒

曾帥札君偵探賊踪行至馬家堰遇賊被縛至徐家埠罵

不絕聲賊以鐵箠口剖腹剜心徐家埠口神旛飛忠魂此處生天路

鬱收迴視朝川莊骨肉一門泉下晤

同日賊假充官兵來焚袁村君

之胞叔蕃安親兄弟紹選成少年意氣眞騰驤犀甲彥訓重等力與格鬪皆死之

吳戈哀國殤千秋青史作佳傳人弔江東臨汝郎

楚軍把總 李公

名光寬湖北人

楚雖三戶昔亡秦扛鼎翹關勇絕倫

咸豐三年省城被圍三月危而

復安係江岷樵中丞調度

賊戒窮追如困獸

君追十餘里後

有方楚士卒亦趨勇效命

援無人致軍無後勁必奔輪南邦郡縣愁戎馬北夢

風濤泣鬼神猿臂家聲千載在封侯不屬數奇人

鉛山營都司 吳公

名撫州府宜黃縣人世襲

三鎮蹂躪河口全

景德吳城河口樟樹稱四大鎮

十堡茶市猶喧闐

輜車一乘算二十賈客助餉輸緡錢奸謀眈眈久虎

視鶴唳離鉛三百里羣公不作杞人憂賊騎馳來電

蛇駛青驄都護通犀鏢自誓平生馬革裏明知卵石

難相當忠孝家聲未敢墮須臾肝腦塗黃沙十姓團

兵空嘆嗟

鉛山十大姓議出鄉兵二萬禦賊每年索釐金局津貼銀五千兩

自古將

門還出將楚江愁見白蓮花

公之尊人遊擊將軍嘉慶間殉川楚教匪之難

嘗謂人若賊犯鉛山我必死之可見先人於地下今果不負其言

都司加遊擊銜

畢公

名金科雲南人

欲擒僞王子失我真力士

君禦賊饒州偵知逆長石達開之子潛匿景德鎮某

巷中隻身往捕賊悉其情卽糾衆將一條狹巷多居巷路前後圍塞遂致被害屍身未毀

人中有毒蟒潛藏身力士素從滄海君手提鐵錐入

十斤複壁大索無影形猾賊四埋伏變作葫蘆谷先

刺鏹期額再斫林雍足肉翅難飛銜屈曲三月新嫁

娘夫婿誇文鴛婦人在軍氣不揚胡爲烏鵲填橋忙

景德飛窯灰都尉去不回昌江萬戶皆垂涕豈獨登

樓少婦哀

君新婚未久年二十有八以善戰著名鄰人皆痛惜焉

吉安營參將

柏公

名英

人

壯士空揮丈八矛，
殃徒曲踊越譙樓。
赤丸掠面身端立，
白削剗胸血倒流。
晉書：淳于伯血上流，柱高二丈七尺。
堞撼地雷難著足，
谷臨天竈恰當頭。
螺山那作歸骸計，
北極忠魂何處遊。

江甯布政司理問

周公

名恩慶，潤山廉訪之子。

居者衛社稷行者擐甲冑，
轉運糧臺員功名亦馳驟。

乘時變化騰鸞鳳抗節激烈銘旂常豫章建業分仕
版何爲從難如同疆周郎領袖南薇省千里趨庭侍
鞍韉翁也城亡義共亡君也翁殞身隨殞圍城更有
元龍豪彼作卞盱君卞眵陳柳坪太守之子世濟隨父同殉偉哉忠
孝備一人感動雷電泣鬼神父子合傳青史新荆門
之周吳門陳

吉安府通判 王公

名保庸 人

城根忽訝地雷馳巷戰瘡痍授命時郭璞豈留兵解

蛻張巡猶聽口吟詩
千年華表難歸鶴
半刺題輿嘆逝騅
欲葬衣冠香嶺上
愁雲鬱鬱鎖神祠

都司 馬公

名福壽

人

虔南經百戰名怖小兒啼
鵝鸛誰援手豺狼竟噬臍
碎身甘作醢吐氣亘成霓
公是文淵後功名在五谿

題陞贛縣知縣 王公

名見周

人

赤鏡報警守陴單
火雉燒營夜未闌
縱叩智囊無善

策暫隨裨將勸傳餐四生浩劫三魔到七品微官一
死安數萬銜冤新鬼泣有人貽禍等旁觀

揀發都司

克公

名什布滿洲

旗人

全軍難出鐵圍山不見房公戰馬還唱殺平陵風雨
黯佩刀空認血爛斑

樞部遜才最勇趨他時定作霍票姚從戎纔飲西江

水已向桓亭賦大招

廬陵漢曰雋縣王莽
十二年改曰桓亭縣

提舉銜准陞知縣署吉安府經歷

余公吉

安府照磨

胡公

余公名焯

人胡公名翰

人

黃堂佐治各分衙大義捐軀豈恤家難恃孤城堅似
鐵怎禁羣盜亂如麻抽丁逃戶流離苦呼癸飢兵早
晚諱得共孝侯驂鶴去紫清宮闕白雲遮

吉安府教授

余公

國子監學正銜廬陵

縣教諭

李公

訓導

吳公

余公名步蟾
公名襟浩

人

人李公名傅心

人吳

前朝流寇如張李

夫子廟堂未敢毀粵逆狂吠稱

耶穌神牌刀擘供炊廚雷部霹靂不下擊紅羊刼運
天模糊公產南州理學藪司鐸橫經親授受結纓正
命三儒官耿節孤忠在人口精靈奕奕遊九閭玉清
召用修文郎丁仙他日化鶴返猶認廬江舊講堂

准陞知縣廬陵縣縣丞

呂公

名承恩

人

贊府鳴琴佐時危亦荷殳藍田魂不返黃綬血猶汗
糧絕人僵仆城傾賊慘屠誰傳題壁句一讀一悲呼

廬陵縣典史

章公

名德懋

人

破械囚先縱催糧道不通嘯歌焚屋下生死堞樓中
未敢希仙尉還能作鬼雄斗升嗟薄糈報國義皆同

署守備 蔡公

名元升

人

玉壁重圍勢欲摧鼓聲先死角聲哀虎頭無復封侯
夢狹巷多添骨一堆

揀選知縣 李公

名鴻鈞湖北

人舉人

夙昔熟聞古人語死孝死忠得死所仲宣年少賦從
軍身在西江家在楚鷲鳥莫入籠被繫六翮難凌風
孤軍莫負墉被賊四面來圍攻絕而三出復三入赤
眉鐵騎馳追急鷓鴣鳴一箭中襟鈎猶傍女牆屹然立
六旬不守賊翻城殺戮何異長平阬歸魂縹緲過洞
庭回望陽臺山更青

署東鄉縣事陞補鉛山縣知縣華生吳公

名朗浙江嘉興府人前任南昌府經歷

運糧五十車咿啞響車轂叢箐莽棘中狡兔早潛伏

與夫亂奔竄賊獲萬鍾粟使君拔劍鬪咤叱聲震谷
雞肋誠區區仄徑身顛撲丹心不回首白刃已剗腹
愛子麾不去傷重難平復忠孝各自盡所悲在舐犢
一雲逝飄然定受仙宮籙

湖南提督

巴圖魯智亭塔公

諱齊布漢軍鑲藍旗人

飛將軍從天上來六丁六甲驅風雷雨湖塵戰功第
一鬚眉已足圖瀛臺潯陽駐節圍青犢百姓壺漿拜
車轍旌旗變色李臨淮草木知名張萬福摧除土壘

如枯蓬

賊于城外築壘周匝數里公冒矢石平毀之

螯弧手執登鈎衝兵

不能守賊能守

公攻潯陽砲傷麾下驍將二員追咎前人失守之易嘆息有是語

負

岫虎穴堅難攻北門不敢啟魚鑰皖城餉道無由通

賊恃皖城濟餉相持

日久公守北門獨嚴乘圍出見匆匆語黃佐未降岳

忠武狼心倔強螳臂撐安得潯城下一鼓

公屏去士卒布席獨

坐城下招賊長羅大綱與語大綱亦獨坐

城上接談良久公諭令歸正大綱不從臨河畫角

流哀音東京留守病已深武襄銅面計亦詭火光萬

點驚神兵天機閃爍芒猶熾寶劍祇須斬老魅

公語諸將

若斬羅逆餘

賊不足平大星忽墮祁山營遠近士民齊下淚兩

年誓掃鯨鯢氛出師未捷薨於軍長江千里咽喉斷
父老謳思不忍聞

侯補知縣知州銜春橋沈公

名秉鏐江蘇吳縣人丙子舉人由教職保舉
知縣在省垣守惠民門病故

妻孥死筠州沈公猶未死七日凶耗來難掩公之耳
搥膺痛哭惠民門嘔血一旬公死矣章貢分支流流
入錦江水巨室千百家財賄盡遷徙珠湖地僻避禍
災賊艦銜尾如追來聚族非懲慶封惡送孥空使吏
駢哀錚錚施宜人凜凜張如君噴血大罵賊怒臆銘

刀相送登慈雲子婦隴西李氏孫挈女去伴曹娥神
鄭家婉婉兩詩婢清波同躍金沙津一門節義光星
斗泉路歡逢隱侯叟積勞王事亦蓋棺何異沙場刎
七首皮囊蟬蛻不可收魂遊吳下齊雲樓覆巢之頃
一子留忠貞天佑傳箕裘采風有使視此謳

廣信營參將冶山鐵公

名林滿州正黃旗人在貴溪防堵軍營病故
鏢吹喧闐驛路長鈞天玉敕下巫陽將軍地下應銜
恨未得橫戈死戰場

森嚴軍令重如山，綏帶輕裘氣度閒。
亂後旰江諸父老，迎神遙拜李光顏。

公在建昌軍政嚴肅至今百姓思之

六品軍功

袁君

名飛鵬都昌人

一劍眞思掃鱷氛，請纓慷慨慕終軍。
青山黃土埋殘骨，烏鵲來朝義士墳。

茂才峙三劉君

名崇鼎都昌人

吉夢非無踐

君始生時母孺人夢見小字關兒工舉業好讀易象春秋

關帝故 忠心

生著論廿四卷其言激烈明且詳當時未兩綢繆探

此議賊鯨安得飛渡東西梁

東西二梁山爲建康姑孰門戶黑雲層

疊排魚鱗公冒矢石攻溲闔壯士被擒亦天命賊中
私語稱奇人勸降絮絮公怒噴大叱若輩狗彘羣我
頭不值錢一縉速卽取去毋逡巡碧血願灑降將軍
吁嗟乎碧血願灑降將軍

文廟屯田官

萬公

名道發都昌人

披髮大厲攫賊食賊輩兢兢面深墨石鐘山裂天柱

傾陷賊無異長平阬天耳非不聞天眼非不視如可
贖兮人百身狂寇無知殺善士萬翁團勇廣招募軍
器收藏若武庫賊入翁家見之怒黑索鏘然縛翁去
賊言有穀罪可贖翁稱無罪亦無穀賊言有銀可贖
身翁稱有身卻無銀賊言刀鋸碎汝屍翁稱鼎鑊亦
不辭金少未許贖全體留此白頭挂大旗天聽耳未
聰天視眼猶瞇嗟哉萬翁是君子蒙難何爲至於此
他日芳名著青史殺公之日鐘山石裂陷賊無數有
厲赴賊營贖屍賊怒金少
厲赴賊營贖屍賊怒金少
留其頭顱以奉身付之

處士 趙公

名道源都昌人

七十老翁何所求祇將忠孝作孫謀一杯鳩酒甘如

醴已到蓬萊頂上遊

公作勸捐練勇說遍貼里闔且
禁子姪蓄髮土匪引賊來擒年

老不能遠避
服毒身死

副貢生 江君

名學源都昌人

都村兵燹久成墟幽谷三椽別構廬已少客尋元亮
宅那知鬼瞰子雲居溪無高士移家舫座有良朋告

難書笑叱井蛙撕偽檄一腔頸血濺襟裾

賊至公家脅降不屈

被害

國學生 吳公

名必浩都昌人

微虎率屬三百人直趨湖口爲援軍風檣陣馬破竹
勢羣賊躍岸如狼奔前茅失利軍難整江北鼓鼙終
夜警白門樓上縛英雄未許臨危自刎頸願賊碎割
儂丹心米篩罔副非極刑南入男兒義不屈睢陽張
許留前聖東西二王是首逆槐國衣冠僞官職蹈海

難隨魯仲連吟詩豈效王摩詰公創辦圍練剿除土匪賊陷都昌土匪乘
間復仇引賊擒入城中脅降不從用米篩刷一罈如
枷形置諸頸上以手轉之鋒鋌刺肉血流至踵終不
可屈賊怒甚遂剖其心

廩貢生

傅公

名繇明都昌人

逆親豈敢作趙苞從親不肯爲徐庶賊知公避鄱湖
東入室洵洵縛母去先生大呼趨賊營願以身代活
吾母賊言降卽貸汝親不降母子同梟首母言名節
大關頭丈夫義不汗豬狗是時天地黑萬里悲風吼

南海曇雲擁母歸先生跨鶴隨其後吁嗟乎歲寒方
識松柏貞求忠出自孝子門紆青佩紫安足論藉公
正氣扶乾坤

例貢生

江公

名義福都昌人

賊火宵紅輞口莊琴書搜盡復探囊趙歧惜少藏身

壁剽空貽續命湯

甲寅三月賊入君家君置酒款待告以家徒壁立四鄰皆窮苦

善良勿妄殺戮賊唯唯而去

留此丹心垂史策勝他碧血灑沙場

招魂何處澆杯酒蔓草松門冷夕陽

甲寅五月賊又泊舟門首公乘

其無備密遣壯勇四面兜擒殺賊多人少頭賊駕小
舟數十隻前來復仇公率衆拚鬪被賊戕害屍未毀